



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. VII. Pilati ad populum interrogatio.

[urn:nbn:de:hbz:466:1-49178](#)

præterita plangunt, sensu futura meditantur: & sc̄a.
ratio eorum rixa magis est criminum, quam exorariꝝ.
O JESU, ut video, magna est velut mare contritio
tua. Judæi electo Barabbâ te repudiant, Ethnici
te non agnoscent, Heretici in te non credunt,
Catholici multi te spernunt, omnes te conte-
mnunt. Siccine solvitur Barabbas, vincitur Ies-
sus? Barabbas liber, Jesus captivus? vivit Barab-
bas, Jesus moritur? Obstupefacte cœli super hoc!

§. VII.

Pilati ad populum interrogatio.

Pilatus alterno veluti æstu omnem in partem
fluctuabat, incertus cui vento vela daret: vo-
lebat Christum dimittere, sed notebat Christi
inimicos offendere: incertus ergo quid lubeat,
velliceat, cum rabidi Judæi postularent dimis-
ti Barabbam,

Mattb.
27.22.

Dixit illi Pilatus: quid igitur faciam de Iesu?
Hæc enim verò exotica est quæstio, & peregrina
interrogatio: Quid faciam de Iesu? Ad cœne res vi-
lis & abjecta est Jesus, ut quasi ad omnia foret
inutilis, nesciatur quid oporteat facere de Iesu?
Hoc peti solet de putido aliquo cadavere, de ca-
ne mortuo, de putrido pomo, de cava nuce, de re-
nauci, flocei, nibili: Quid faciam de hac re? Tam
vilos erat in oculis synagogæ sponsus Ecclesia.
Audiamus ad hanc interrogationem Judæorum
responsum: Quid faciam de Iesu, ô Judæi? Tolle,
tolle, intoxicat aërem suo spiritu; conspurcat
terram suis pedibus; infatuat homines suis ver-
bis; indignus est qui sit in rerum natura. Quid
faciam de Iesu, ô Pharisæi? Tolle, si possit redu-
catur in nihilum, homo nihil. Quid faciam de Iesu,
ô Scribe? Tolle, ad nihil valet ultra, nisi ut mittatur

tur foras, & conculcetur ab hominibus; nisi ut mittatur
in montem Calvariaz, & crucifigatur à tortori-
bus. Quid facia de Iesu, ô Principes Sacerdotum?
Suspendatur ad collum ejus mola astinaria, & demerga- Matt. 18.
tur in profundum maris. Quid faciam de Iesu, ô Syna- 6.
goga? Ligatis manibus ac pedibus ejus, projicite eum Matt. 22.
in tenebras exteriores; dirumpatur terra sub pedibus 13.
eius, & aperiens os suum devoret eum, & descendat vi- Num. 16,
rus in infernum: eat maledictus in igne æternum. 30.

Siccine ingrata, barbara, perfida, impia Synago-
ga repudias sponsum tuum, electum è millibus,
& eligis tibi sponsum homicidam eductum è
sordibus? I, dabitur tibi Deicida, homicida; da-
bitur tibi Barabbas, sed tolletur tibi omnis feli-
citas, nec remittetur tibi in æternum hęc iniqui-
tas. Venit hora, ô Jesu, & nunc est, ut deseras Sy-
nagogam, & transreas ad Ecclesiam; ut relinquas
Judæos, & convertaris ad Gentiles. Accipite
vos Barabbam, & tradite nobis Jesum. Nobis e-
nim natus, nobis datus est. Illi enim dictum est à Isa. 49. 6
Patre: Ecce, dedi te in lucē Gentium. Dic ergo nunc
Jesu, quod Judæis olim dicturus est Apostolus Hebr. 13.
Gentium; Ecce, convertimur ad Gentes: Tu ergo 46.
surge nunc, & illuminare Ecclesia nova sponsa,
jam dedit Synagoga libellū repudii sponso suo;
ecce venit sponsus tuus, exi obviam ei. Sed prius Ecclesia
petit Pater ejus: Quid facies de Jesu Filio meo, quantū
pons tuo? Quid faciam? pete prius quid non Christū
faciam? Audiat impia Synagoga, & ringatur præ honores
invidia. Statim ubi intelligam illum venire, & asti-
exuam me vestimento viduit atū meꝝ, & induam met præ
me vestimento latitiae, & vadam in occursum ejus, Synago-
& procidens adorabo eum, & dicam: Osculetur ga.
me osculooris sui. Tunc magnificabit anima Iud. 16. 9
mea Dominum, & exultabit spiritus meus Cant. 1. 1.

in Jesu Deo meo. Mox evocabo ex Oriente Reges, & jubebo ut offerant ei aurum, thus, & myrram. Imò faciam, ut omnes Reges terræ adorarent eum, & omnes Gentes serviant ei. Mittam deinde vocalissimum præconem per totam rerum universitatem, ad cœlos, terras, inferos, qui altissimâ, ut ab omnibus audiri possit, voce, nomine meo præcipiat: *In nomine Iesu omne genu flectatur, cœlestium, terrestrium, & infernorū, & omnia lingua confueatur, quia Dominus Iesus Christus in gloria est Dei Patris.* Tum emitta per omnes omnium terrarum regiones, duodecim Evangelicæ doctrinæ buccinatores, ut prædicent Evangelium Iesu omni creaturæ, ac inter illos destinabo ad ultima terrarum Paulum, ut portet nomen Iesu coram Gentibus, & Regibus, & filiis Israël: ubique prædicet Iesum, quoniam hic est Filius Dei; & instar tubæ exaltet vocem suam, & late resonanti clangore, annuntiet omnibus illa ipsa,

1. Cor. 6. quæ ad Corinthios scripsit verba: Si quis non amat Dominum nostrum Iesum Christum, sit anathema.

Matt. 19. 22. Plurimi ex meis propter Iesum relinquunt domum, & fratres, & sorores, & patrem, & matrem, & uxorem, & filios, & agros: alii circuibunt in meliori,

Hebr. 12. 37. in pellibus caprinis egentes, angustiati, afflitti: in solitudinibus errantes, in montibus, & speluncis, & cavernis terræ, propter Iesum; alii ludibria & verbera experientur, lapidabuntur, secabuntur, tentabuntur, in occidente gladii morientur propter Iesum. Ego, & mei, exactè observabimus leges Iesu: sequemur consilia Iesu, audiemus monita Iesu. Quidquid potest honoris deferri, quidquid gloriæ fingi, quidquid amoris exhiberi, deferetur & exhibebitur à nobis Iesu. Et post omnia honoris, amoris, cultus obsequia, post omnia

Fidei;

Fidei, Spei, Charitatis exercitia, post omnia cu-
juscunque generis officia, prosternebas nos ad
eius pedes, & fatebamur unanimi voce: Servi in-
utiles sumus: quod debuimus facere, fecimus. Hæc &
infinites plura propter Jesum facere nos, & pro
salute decet, & pro æquitate oportet. Ecce hic
Jesum, ad Ecclesiā repudiata Synagogā, ad nos,
spretis Judæis, transiit. Quid interim facis, quid Pecca-
fecisti, quid facies de Jesu, pro Jesu? Quid fa-
ties de Jesu, ô avare? Tribus obolis illum ven-
dam. Quid facies de Jesu, ô maledictæ detra-
ctor? Expuam in faciem ejus. Quid facies de Je-
su, iracunde? Colaphis eum cædam. Quid tu po-
litice? Velabo faciem ejus. Et tu impudice? Fla-
gellabo eum à planta pedis usque ad verticem
capitis. Et tu superbe? Plectens coronam de spi-
nis, ponam super caput ejus. Et tu ambitiose?
Ponam in dextera ejus arundinē. Quid tu ebrio-
se? Felle & aceto potabo illum. Denique tu quis-
quis es peccator, quid facies de Jesu? Rursum il-
lum crucifigam. Hæc non sunt verba mea, sed
acta nostra. Quis nostrūm tanti est roboris, qui
percussus alapā præbeat alteram maxillam per-
cutiendam amore Jesu, quia ipse hoc consultit?
Estne aliquis tantæ magnanimitatis, ab inimico
laceffitus convitiis, contumeliis, maledictis, qui
non aperiat os suum, sed cum silentio perferat
propter Jesum? Estne aliquis tanti in Jesum a-
moris, qui pellectus à dyscolis sociis, ut violet
leges Jesu audeat mascula voce dicere cum sene
illo inter Machabæos heroe Eleazaro, præmitti
se velle in infernum potius, quam offendere Jesum?
Estne aliquis tanti animi, ut lenocinante carne,
& ad peccatum invitante, ex amore Jesu audeat
dicere cum D. Anselmo: Malo infilire in rogam ar-

Luc. 17.
10.

2. Mach.
6. 23.

dentissimum, quām peccatum ullum admittere sciens in Deum meum? Quid ergo facis, quid facies propter Jesum? Si à me petas, ô Pater æterne, quid faciam de Jesu? scio quid faciam: Accipiam eum in ulnas meas cum Simeone: procidens adorabo eum cum Magis: lachrymis meis rigabo pedes ejus, cum illa peccatrice: adferam alabastrum unguenti pretiosi, & effundam super caput ejus, cum Magdalena: dum recumbet mensæ, ministabo illi cum Martha: denique post mille & mille obsequia, in manus ejus commendabo spiritum meum, & expirabo. Hæc omnia ut cupiam, & faciam, est libertatis meæ, & potestatis tuæ, tibi enim à Patre data est omnis potestas. Interim faciam, quantum valeo, cùm non possum, quantum debeo. Opto igitur, quia hoc possum, tantum te amare, quantum vel amârunt, vel amant, vel amabunt totâ æternitate, omnes tui amantes; & quia credo in te, & omnia possibilia sunt credenti; quia etiam spero in te qui fuisti spes mea ab uberibus matris meæ; ideo credo & spero me amaturum te, quamdiu tu eris, ô Amor æterne, & hoc æternum,

§. VIII.

Christus à Iudeis poscitur ad crucem.

Matt. 27 **Matt. 15.** **P**etierat à barbara turba iniquus Judex, quid faciam de Jesu, cùm ecce latrantes canes, ululanties lupi, rugientes leones, mugientes tauri pingues, quem non poterant impetere cornibus, discerpere dentibus, laniare manibus, fatigant necare vocibus, cùm unâ omnes voce conspirant, & exclamant: *Tolle, tolle, crucifige eum. Ait illis Præses: Quid enim mali fecit? nullam causam mortis inventi in eo. Corripiam ergo eum, & dimittam*